

寶雞縣志卷之三

建置

學校營制附

縣城周二里七分門三東曰迎恩西曰來遠南曰解阜脉自吳山來蜿蜒一百二十里前渭水後陵原左金陵石玉澗面波千頃目秀萬峰城建自唐至德二載明景泰二年知縣劉通重修萬歷中師嘉言建東西月城崇正七年李嘉彥續修十三年知縣嚴夢鸞新增南門月城并建南門水城濬玉澗之水繞郭東注金陵河今水城久湮入

本朝來順治八年知縣張六部因久雨壞城倡加修築邑人党崇雅有築城碑雍正元年知縣劉光然懸鐘于東門乾隆七年知縣寶雞縣志

寶雞縣志

卷三

陝西印刷局印

喬光烈建奎宿樓于城東南隅二十八年知縣許起鳳請帑增修圍長九百三十五丈五尺頂闊一丈五尺高二丈五尺內外門六樓三奎樓一鐘樓一更樓五更房四馬道五柵門三礮臺八水道十八有修城碑記

按唐書地理志至德二載改鳳翔縣爲寶雞縣郡志因謂城築於是年攷周書圖記隋大業移陳倉舊理於渭北留谷城卽今縣周書高祖紀天和元年秋七月戊寅築武功郡斜谷武都留谷津坑諸城置軍人是留谷先已有城不始於至德也郡邑志俱未之考耳

風匣城附城北之阜上跨原麓下屬北城之陰創於前明嚴令夢



鸞許前令修城時倡捐增修上祀文昌武曲奎宿諸神以應東城巽卯二峰之秀有碑記

縣署在城西街北唐至德二載建據省志明洪武初知縣吳添重修成化七年知縣張珣建大門樓大門內東爲土地祠鄼侯祠共三楹西爲監獄內爲儀門者三闔內有戒石坊一座再上爲大堂三楹捲棚三楹東西吏舍各十楹東庫房二楹又內爲二堂七楹乾隆十九年知縣明福重加修葺舊爲存愛堂五十年知縣鄧夢琴易以學愛之額增建捲棚三間二堂前左右門房各二楹東偏西向門三間內南向客室三楹北向幕寮三楹俱前令張雲龍建稍前書室三楹翼室三楹再前花亭並前廊共六楹西偏書室三

寶雞縣志

卷三

一一一陝西印書局印

楹前庭五楹再西室三楹後廚房三楹最後三堂七楹翼室四楹又東偏書室五楹翼室四楹自二堂以內俱乾隆五十年知縣鄧夢琴領項重修

縣丞署在縣署東乾隆十九年改遷東河驛卽所裁東河驛驛丞之舊署也二十六年署令郭元灝倡邑士捐買舊署置石鼓書院其東河丞署歲久塌壞不堪後任仍於書院權寓歲給賃費四十四年縣丞李心澄詳請修葺凡大門一闔二門三闔班房六間大堂三間二堂三間書樓二間門房二間三堂五間翼室二間廚房一間

典史署在縣署西乾隆十七年典史梁繩祖捐俸增修現今大門



一闔大堂二間書吏房二間班房二間門房二間書房三間中庭三間內室二間翼室四間廚房三間乾隆三十九年典史諸廷標詳請重修

監獄內獄神祠一間內監四間外監四間女監三間更房一間乾隆四十年知縣王廷燮詳請重修

虢川巡檢署在虢川門一闔東西班房二間大堂三間二堂三間西邊廚房一間東邊書房三間乾隆三十七年巡檢陸維新詳請重修

主簿舊署 益門鎮巡檢舊署 陳倉驛驛丞舊署俱久圯無考  
察院行署 布政司行署 關西道行署 鳳翔府行署俱久圯

無考

東關外公館大門五間二門三間捲棚五間中庭五間上房五間翼室十二間乾隆四十一年知縣王廷燮建四十八年知縣鄧夢琴重修其上房五間卽所增建也有棠陰暫憇之額

底店公館舊有上房三間乾隆二十八年知縣許起鳳捐修大門三間二門三間捲棚三間翼室四間四十八年知縣鄧夢琴重修觀音堂公館大門一間庭三間上房三間乾隆四十一年知縣王廷燮建四十八年知縣鄧夢琴捐修翼室三間茶屋一間

黃牛舖公館大門三間二門三間捲棚三間上房三間翼室十二間廚房一間乾隆四十一年知縣王廷燮建四十八年知縣鄧夢



琴重修有鴻漸遵陸之額

陳倉驛東至鳳翔縣之岐陽驛九十里西至本縣之東河驛八十里驛在縣署東內馬神祠三間捲棚三間馬房二十三間住房差房併抄號木料房六間內號房三間乾隆四十七年知縣張雲龍請項重修

東河驛考舊志係凍河驛不知何時改今名在陳倉驛西南八十里南至鳳縣之草涼驛七十里驛內大門三間馬房二座共一十四間正廳五間翼廈四間上房二間磨房一間

舖遞在城舖司五名字識一名南十里桑園舖舖司二名大灣舖舖司二名十里楊家灣舖舖司二名十里二里關舖舖司三名十里觀

寶雞縣志

卷三

四 陝西印書局印

音堂舖司三名十里半坡舖舖司三名十里東河舖舖司三名十里江龍溝舖舖司三名十里石窰舖舖司三名東路十里西壕舖舖司三名十里東濠舖舖司二名十里蕭邨舖舖司二名十里底店舖舖司三名

常平倉在陳倉驛東舊倉十八廩新倉七廩共二十五廩計房七十八間外倉房一間廩神祠二間收糧所三間住房二間廚房一間斗級更房三間

社倉十一處宣明社在城內常平之東孝悌社在賈邨鎮仁和社在底店鎮遵儀東社在第五邨遵儀西社在王家邨淳化社在閣子堡令遠社在天王邨富國社在斜坡涼泉社在馬營鎮永豐社



在瓦峪寺永寧社在城東關雍正八年知縣杜蕢生領項建各倉房五間

坊表凡八永奠雞峰坊在縣城隍廟前明知縣朱炳然建號域帡幪坊在號縣鎮城隍廟前知縣李芝蘭修懷畏法廉坊在治東中街爲西寧道楊灝建今改爲遵王之路額陳倉古道坊在東關外今改爲陳倉舊縣額西街坊在縣治西街爲明監察御史楊茂建以上諸坊現存及第坊爲明探花劉俊建東街坊爲通判孔家訓建世魁坊爲通判高數仞建俱圯

號縣鎮東西二坊東額曰武都故郡西額曰西號遺封陽平東西二坊東額曰亭仍漢魏西額曰地界岐郿俱乾隆五十年知縣鄧

寶雞縣志

卷三

五 陝西印刷局印

夢琴建

貞節坊十五一爲明孝子張綸妻趙氏建一爲楊光諭妻高氏建一爲張乾妻高氏建一爲

國朝李茂華妻王氏建一爲高協緒妻強氏建一爲馮自壽妻薛氏建一爲馮進喜妻楊氏建一爲袁遐齡妻貞女王氏建一爲楊灝妻賈氏建一爲郭寬妻張氏建一爲楊大夏妻党氏建一爲劉漢政妻王氏建一爲王文妻閻氏建一爲毛珍成妻康氏建一爲寄士宏妻潘氏建

養濟院在縣治西街北乾隆四十七年知縣張雲龍重建留養局在東關外乾隆二十七年知縣許起鳳奉文建



義塚四處一在東郭外官道南地約一畝餘一在官道北地二畝五分前明知縣李養裕置一在金陵河西官道北地約一畝鄉宦韓煜施一在西門外北坡地約三十餘畝相傳卽慶壽寺遺址里甲鄉十里五十三 宣明鄉五里曰宣明福緣陵川壽南止已孝悌鄉五里曰孝悌務本西渠清泉節用 仁和鄉五里曰仁和底店底磴武安涼樓 遵儀鄉六里曰遵儀善慶慕儀衆安仁義暖泉 淳化鄉四里曰淳化高泉興國洪原 令遠鄉五里曰令遠青峰伐魚齊家渭寧 富國鄉五里曰富國礮溪號川鳳鳴小礦 涼泉鄉五里曰涼泉雞峰八魚清水忠信 永豐鄉五里曰永豐崇德通川太寧晁峪 永寧鄉八里曰永寧常樂安平固

寶雞縣志 卷三

安敦化家軍所衆好招墾

按舊志四十九里今增仁義甲軍所招墾四里不知何時所分

縣城東西街有市每日集附郭四邨東金臺坡北八角寺坡西高家堡西南紙房頭

川邨一百四十九 東第一聯仁里堡去城二里曰東堡雙泉堡十里舖樊家灘張家邨上馬營劉家崖戴家灣 第二聯底店鎮有市單日集去城三十里曰西臥龍寺牧馬邨符家台南城堡馮家嘴水連寨李家崖范家崖三盤溝魏家崖黃家崖張家崖北李家堡北坡邨張家崖產寺邨 第三聯號縣鎮有市雙日集去城



五十里曰西堡東堡南堡北堡惠家灣高家坡上橋堡皮李堡暖泉堡秦子溝閣子堡尉家堡東陽堡太公廟毛家坡 第四聯陽平鎮有市單日集去城八十里曰第六寨菊邨堡苟邨堡大帳寺西王家堡雙碌砣東西高泉大王邨夾馬邨鮮家臺楊家堡毛張堡寺崖堡北冶氏邨

南第一聯古城堡去城五里曰北石家營東朱家營瓦峪寺堡石壩峪鄧家庄相家庄桑園舖任家灣譚家邨羅家邨符家邨龐家邨孔家庄塔稍堡 第二聯馬營鎮有市雙日集去城二十里曰西涼泉邨小柞邨吳家崖郭家崖南樸確堡渾沱堡寇家崖郭家邨溫泉溝姬家店淡邨堡潘家灣鳳皇頭 第三聯斜坡堡去城

寶雞縣志

卷三

七 陝西印務局印

四十里曰聶家灣菜子嶺小菴堡楊家店鳳鳴里党家堡王家堡伐魚堡寨子堡 第四聯天王邨去城八十里曰胥家邨東哨堡東陳家邨八廟堡朱家灘

西第一聯焦家廟去城三里曰西仁里堡太平堡福卜堡羅家塋峽石堡到底邨 第二聯太寧堡去城二十里曰北謝家塋趙家崖東高家邨

北第一聯北庵堡去城五里曰王家堰曹家崖北橋頭溫家寨姚家寨蔣家廟寺溝紅地溝劉氏廟周家庄葫蘆溝葛家河灘浴池 第二聯蕭邨去城二十里曰王家崖劉邨張家寨仲家灘劉家嘴大夫邨龍尾邨西渠灣圓山堡桃源邨



原邨六十四 第一聯蝦蟆口堡去城十里在陵原上曰楊家庄  
翟家庄司家原柳家原段家原焦家溝李家孤塋常家溝 第二  
聯馬家原堡去城五里在紫草原上曰何家邨李家堡王家孤塋  
張家塋朱家崖鄭家溝東坡西坡 第三聯賈邨堡有市去城二  
十里在西平原上曰廣福邨大韓邨小韓邨東濠邨三家邨胡家  
邨康家邨權家邨閻家邨塔寺頭索家邨南高邨北高邨孤塋邨  
朱家邨杜家凹塋后邨東坡邨西坡邨鐘樓寺東家寺馬塚邨魯  
家邨大槐樹西管邨曲慶邨上官邨 第四聯第五邨去城七十  
里在周原上曰第四邨第三邨第二邨第一邨油坊邨亞子堡高  
呂邨有禮邨文光邨王家邨營子頭慕子頭俱家邨齊家邨孫家

邨洞坡安坡

山邨五十五 西第一聯在渭北曰陸川方堂舖姜原馬家堡秦  
王寨遼坡樓子山 第二聯在渭南曰縣頭嶺小甯溝胡唐山李  
家河甘峪晁峪營頭焦遼楊家河周家川安平溝小節里石門子  
仙靈峪

南第一聯在棧道北曰王家山高山堡西山堡大灣舖軍陽灣二  
里關觀音堂張龍溝半坡舖凍河橋石窩舖暴家庄井兒下黃牛  
舖 第二聯在棧道東曰茹家堡馮家原黃鹿原竹林嘴馬鞍山  
喬家河高家堡陳家堡丁家堡廟溝堡支家堡燃燈寺朱衣溝八  
魚堡高崖堡黃家山楊家山葦子溝眠羊嘴虢川



學校

文廟在治西街宮牆內櫺星門三楹戟門三楹大成殿五楹殿前東西廡各五楹建自元泰定四年教諭陳履謙明洪武九年縣丞吳彝訓導郭誠重建宏治四年知縣丁瑄重修邑人吳獻有碑天啓四年署令李治已重修邑人楊必達有碑

本朝康熙八年知縣陳肇昌重修邑人韓燿有碑乾隆二十一年知縣董霏重修

崇聖祠在大成殿後門一楹殿三楹

名宦祠在戟門東祀漢號令王尊陳倉令楊賜丞張元北魏武都太守韋閻蘇椿蘇讓唐陳倉令薛景僊尉張行成劉仁軌宋號令

蔡黃裳寶雞尉侯蒙元教諭陳履謙明知縣許莊師嘉言陳以忠李嘉彥嚴夢鸞唐夢鷗縣丞江英教諭徐永達訓導高遷國朝贈兵部侍郎諡忠節前陝西督學道葉映榴

按祠內木主止六除師嘉言陳以忠徐永達葉忠節外如陳履謙高遷無赫赫名者皆得與焉至漢唐以來之勳崇銘鼎功在傳經以勞定國以死勤事者反致闕如又或治行不見於茲邑而流風尚光於史乘亦應升祀以同攸好特補王尊以下十四人應令有地治者聞之而興起焉

鄉賢祠在戟門西祀漢右扶風掾徐敖元宣撫使王機明雲南廣南府知府楊茂工部侍郎劉俊南京刑部侍郎張撫御史白鸞順



德府知府林恭肅府教授高遷夔州府同知楊祥楚府長史楊汝宮濟南府同知王乾元吏部主事林紳大同府兵備道李甲夔州府通判高數仞山海衛教授党魯鞏昌府教授劉文顯東閣大學士楊畏知

國朝太保國史院大學士党崇雅

按今祠內無徐敖據漢書儒林傳補入王穉雖由金仕元亦可與党崇雅同祀

忠孝祠在治西祀金忠臣德順節度使愛申部將劉興哥

國朝旌表孝子董成梅

按祠內只有董成梅一主據金史忠節傳補入愛申劉興哥

寶雞縣志

卷二

十一 陝西印刷局印

二人

節義祠在治東祀明生員張輪妻趙氏生員楊光諭妻高氏生員張乾妻高氏

國朝李茂華妻王氏高協緒妻强氏馮自壽妻薛氏馮進喜妻楊氏袁遐齡聘妻貞女王氏楊灝妻賈氏郭寬妻張氏楊松年妻張氏韓密妻盧氏楊大夏妻党氏劉漢政妻王氏王文妻閻氏毛珍成妻康氏

按今祠內惟有李茂華妻王氏毛珍成妻康氏王文妻閻氏餘俱缺焉蓋緣卓楔雖表於生前而俎豆必歆于身後逮完貞地下其後人不能送主入祠則缺典多矣今特照册增入



又有乾隆四十一年

旌表從祀寄士宏妻潘氏舉報日淺其人尙存未能概附也

儒學在宮牆東教諭署大門三楹二門三楹明倫堂五楹堂東爲敬一亭今圯堂後爲尊經閣書房三楹教諭張其泰建兩翼廈四楹

訓導署訓導門廸吉修建大門一楹敦說堂三楹內宅三楹翼室三楹廚房一楹

書院三渭陽書院久圯基無考雞峰書院在縣治東佑德觀西乾隆八年知縣喬光烈卽於佑德觀內捐俸延師設諸生膏火十五年知縣周天生縣丞王秀慎卽於觀西捐建講堂三楹大門一楹

寶雞縣志

卷三

十一

陝西印刷局印

斷以磻溪里民楊應召崇德里民王大興等新開荒地每年納租銀一十八兩有奇又知縣許起鳳捐買渭寧里關坤生地六畝每年徵租錢二千七百文又價買務本里張川地六畝每年徵麥租折錢一千八百俱爲生徒膏火

石鼓書院在治東卽縣丞廢署乾隆二十七年署令郭元灝率邑紳士捐銀一百二十兩買爲書院現在縣丞借住

按雞峰書院講次久虛乾隆四十九年知縣鄧夢琴雖延副貢趙尙哲主席而修脯旣薄學舍庫隘不能廣招生徒深厯文教待興自是年仲春爲始於朔望後之一日肩諸生而課之次日卽課諸童來者不下百人少亦五六十人課有餼優



者有獎課藝俱克自振拔蒸蒸日上俟邑志告竣後再行勸輸膏火以爲經久之計

社學九一在縣內西街有館所學地二十七畝一在號川里嘴頭有館所學地四十畝一在渭寧里大王廟借館神祠學地二十畝一在城內水巷口關帝廟一在金陵店關帝廟一在東關神農廟一在太平堡周公殿一在晁峪里菩薩殿一在賈邨鎮關帝廟俱借館

按省志義學二所一在學宮西康熙二十二年知縣呂時達建卽縣西街之義學也一在縣東五十里王家邨雍正九年知縣梁成武建今已圯又學田原額六十一畝有奇除荒額

田四十二畝五分明萬曆二十四年提學沈季文置又社學三等地十七畝二等地十畝俱呂時達置二項分別存給現在社學九處俱前令喬光烈董霖周天生陸續置亦有河灘地畝或係館師自收租息或撥租分給雖距今已遠而家塾黨庠弦歌相望法良意美不可沒也

### 營制

駐縣把總一員額設在城兵二十名底店鎮塘兵五名第五邨塘兵五名屬西鳳營

把總署在縣治東街本前邑令陳肇昌生祠改爲署  
演武亭在東郭外舊築墩構堂今圯



二里關外委把總一員兵八名楊家灣塘兵五名觀音堂塘兵三名半坡鋪塘兵二名煎茶坪塘兵二名屬漢鳳營  
東河橋外委把總一員兵八名江龍溝塘兵五名石窰鋪塘兵五名黃牛鋪塘兵七名屬漢鳳營

川塘六處金陵河塘汛兵三名馬三匹屬泰寧營底店鎮塘汛兵三名馬三匹屬川北鎮順慶營第五邨塘汛兵三名馬三匹屬達州巫山營大灣鋪塘汛兵三名馬三匹觀音堂塘汛兵三名馬三匹東河橋塘汛兵三名馬三匹俱屬夔州協

論曰寶雞西連雲棧爲秦蜀之交衝所謂龍節虎旗馳驛犇輶以去以來穀擊蹄躡者自古而然蓋既有往來送逆之節

則視塗授館固抱關者之職也昔孫可之題褒城驛慨然有今昔殊異之感如其說則咎在假館者之夕至朝去無顧惜心而於供饋者無與不知食食忘事責在有司假令牧梁州者前後皆得其人安肯任其廢壞如所云云耶嗚呼舉一驛而凡封疆田疇之正治城郭室屋門戶之潤澤諸有關於建置者皆視此矣蓋環邑之所向而受成于令當蒞事之時而或優游卒歲笑與秩終將自爲之不暇而遑恤乎政果其勤心殫力職思其居旣已布政優優而復出其餘力以修舉廢墜俾入其境者舉目而有精華實息之觀夫安得以食食忘事之說繩之耶由是言之善于其職者固未有舉其大而遺



其小者也亦未有務其細而忽其鉅者也是以柳子厚之刺柳州也大修孔子廟城郭巷道皆治使端正韋丹之觀察江西也教民爲瓦屋重屋復置南北市營諸軍于建置而次第之以學校兵戎誠以事之先且大者不外是也況古者州序黨庠卽屬于州長黨正若作民而師田行役則帥而致之其治俱統于一至漢始令郡國立學校官置經師唐宋以後別有書院之名則教之益詳其猶州序黨庠之制與自唐張說變折衝府兵爲彊騎而兵民愈分矣今于建置一志終以學校營制而義學鄉汛亦以次附焉庶幾因以自警不敢驛視州縣爲老眠之所笑也